



Broj: 05-19-624/24
Vogošća, 19.04.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 19.04.2024. godine donio je

ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE REVIZIJE
ELABORATA O INŽENJERSKOGEOLOŠKIM I GEOTEHNIČKIM OSOBINAMA TERENA SA
IZVOĐENJEM ISTRAŽNIH RADOVA ZA POTREBE IZRADA IZMJENA I DOPUNA
REGULACIONOG PLANA "ROSULJE"

Član 1.

Ponuda ponuđača "Geoavas" d.o.o. Sarajevo, ulica Latička broj 14. Sarajevo, odabrana je za pružanje usluge revizije Elaborata o inženjerskogeološkim i geotehničkim osobinama terena sa izvođenjem istražnih radova za potrebe izrade Izmjena i dopuna Regulacionog plana "Rosulje", kao prvoplasirana na Rang listi, sa ponuđenom ukupnom cijenom nabavke u iznosu od 1.221,00 KM bez uračunatog PDV-a, odnosno 1.428,57 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 22.03.2024. godine donio Odluku o pokretanju Otvorenog postupka nabavke usluge revizije Elaborata o inženjerskogeološkim i geotehničkim osobinama terena sa izvođenjem istražnih radova za potrebe izrade Izmjena i dopuna Regulacionog plana "Rosulje", zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 22.03.2024. godine pod brojem: 1353-1-2-54-3-57/24.

Sažetak Obavještenja o nabavci objavljen je u "Službenom glasniku BiH" broj: 22/24 od 29.03.2024. godine.

Tendersku dokumentaciju sa Portala javnih nabavki BiH je preuzelo 12 (dvanaest) ponuđača. Krajnji rok za dostavu ponuda bio je 16.04.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 16.04.2024. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 05-19-624/24 iz marta 2024. godine i Izmjenama TD iz marta i aprila 2024. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Professional project" d.o.o. Tuzla	2.250,00	/	/	/
2	"PPG" d.o.o. Sarajevo	1.750,00	/	/	2.047,50
3	"Rudarski institut" d.d. Tuzla	1.390,00	/	/	1.626,30
4	"Radis" d.o.o. Istočno Sarajevo	2.150,00	/	/	2.515,50
5	"Geoavas" d.o.o. Sarajevo	1.221,00	/	/	1.428,57

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Rudarski institut" d.d. Tuzla ne ispunjava formalno-pravne uslove tražene Tenderskom dokumentacijom i to:

Dana 22.03.2024. godine Općina Vogošća kao ugovorni organ je na Portalu javnih nabavki BiH uz Obavještenje o nabavci broj: 1353-1-2-54-3-57/24 objavila i TD broj: 05-19-624/24 iz marta 2024. godine. Na osnovu pitanja ponuđača od 26.03.2024. godine i 04.04.2024. godine ugovorni organ je izvršio izmjene TD te je iste objavio na Portalu javnih nabavki BiH dana 28.03.2024. godine i 05.04.2024. godine.

Ponuđač "Rudarski institut" d.d. Tuzla je u svojoj Ponudi (strana 5-7. Ponude) dostavio uredno popunjen Obrazac za ponudu-Izjava ponuđača koji se odnosi samo na dio TD koji je objavljen dana 22.03.2024. godine.

Također, Ponuđač je u svojoj Ponudi (strana 25. Ponude) dostavio uredno popunjen Aneks 7-Nacrt Ugovora koji se odnosi samo na dio TD koji je objavljen dana 22.03.2024. godine.

Iz Izvještaja o preuzimanju TD od strane ponuđača koji je generisan sa Portala javnih nabavki je jasno vidljivo da je ponuđač "Rudarski institut" d.d. Tuzla preuzeo TD sa svim izmjenama TD objavljenim 28.03.2024. godine i 05.04.2024. godine.

Na osnovu propusta ponuđača da dostavi izmijenjeni Obrazac za ponudu-Izjavu ponuđača kao i izmijenjeni Aneks 7-Nacrt Ugovora, a koji je svim potencijalnim ponuđačima u postupku bio javno dostupan i obavezujući, Komisija za javne nabavke postupajući u skladu sa odredbom člana 2. stav I alineja 3. i člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) je smatrala da je Ponuda ponuđača "Rudarski institut" d.d. Tuzla nepravilna.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Professional project" d.o.o. Tuzla,
- "PPG" d.o.o. Sarajevo,
- "Radis" d.o.o. Istočno Sarajevo i
- "Geoavas" d.o.o. Sarajevo

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom

Komisija za javne nabavke je zatim pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon što je utvrđeno da je ukupna cijena ponude ponuđača "Geoavas" d.o.o. Sarajevo u iznosu od 1.221,00 KM bez uračunatog PDV-a neprirodno niska, odnosno da je za više od 20% niža od cijene drugorangirane prihvatljive ponude (1.750,00 KM) ponuđača "PPG" d.o.o. Sarajevo, Komisija za javne nabavke postupajući u skladu sa članom 66. Zakona o javnim nabavkama BiH ("Službeni glasnik BiH", broj 39/14 i 59/22) i u skladu sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je aktom broj: 05-19-624/24 od 16.04.2024. godine zatražila pojašnjenje neprirodno niske cijene ponude ponuđača "Geoavas" d.o.o. Sarajevo.

Ponuđač "Geoavas" d.o.o. Sarajevo je svojim aktom broj: 126-1/24 od 18.04.2024. godine dostavio obrazloženje neprirodno niske cijene koje je Komisija za javne nabavke nakon opsežnog razmatranja jednoglasno prihvatila i uvažila, jer je utvrđeno da je ponuđač dostavio uredno i detaljno obrazloženje razloga ponuđene cijene.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge revizije Elaborata o inženjerskogeološkim i geotehničkim osobinama terena sa izvođenjem istražnih radova za potrebe izrade Izmjena i dopuna Regulacionog plana "Rosulje" kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Geoavas" d.o.o.Sarajevo	1.221,00	/	/	1.428,57
2	"PPG" d.o.o. Sarajevo	1.750,00	/	/	2.047,50
3	"Radis" d.o.o. Istočno Sarajevo	2.150,00	/	/	2.515,50
4	"Professional project" d.o.o. Tuzla	2.250,00	/	/	/

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Geoavas" d.o.o. Sarajevo, za pružanje usluge revizije Elaborata o inženjerskogeološkim i geotehničkim osobinama terena sa izvođenjem istražnih radova za potrebe izrade Izmjena i dopuna Regulacionog plana "Rosulje" kao prvoplasiranom na Rang listi, sa ponuđenom ukupnom cijenom nabavke u iznosu od 1.221,00 KM bez uračunatog PDV-a, odnosno 1.428,57 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



OPĆINSKI NAČELNIK

Migdad Hasanović

Migdad Hasanović

Dostavljeno:

1. "Professional project" d.o.o. Tuzla
2. "PPG" d.o.o. Sarajevo
3. "Rudarski institut" d.d. Tuzla
4. "Radis" d.o.o. Istočno Sarajevo
5. "Geoavas" d.o.o. Sarajevo
6. Nadležnoj Službi
7. U dosije
8. a/a

proprojectinfo@gmail.com
info@ppg.ba
eldar.piric@rudarskiinstitutuzla.ba
radis.doo@gmail.com
geo@geoavas.ba